



Fasnacht 2016

## Het di Chef e dumme Latz, kunnt är vom Paradeplatz

Es isch egal, wennd hesch e Glatze  
Heeb ins Handy Dini hässlig Fratze  
Au egal wenn an Sälbschtzwiefel duesch grangge  
E Selfie und Du fühlst Di stark wie dr Frangge

Us de Souschal Meedias kasch loose  
Knipps Di in enere fiddleblutte Poose  
Oder wie dr Putin mit nagtger Bruscht  
Do hesch uf Erotik zwar nimmi Luscht

Oder wie d Bundeshuus-Porno-Sekretärin, heideraus  
Doch die passt nid „in das ehrenwerte Haus“  
Aber passe söll dr Geri nur mit Schnäbi  
Das git e Wahlblakat – das überkläbi

Au fiir die wo filmend dien plääre  
Wenn si sich e Kiebel Wasser ufs Kepfli lääre  
Sie gheere aigentlich alli in d Kische  
Die Selfie-Hobby-Exhibitionische

Duesch di Selfie in d Wält use chätte  
Duets allne d Lachmuskle verjätte  
Machscho no vo dim Ässe e Fötteli  
Ghorsch au uf d Lische vo de Dötteli

Mer fordere wie d Frau Merkel  
E Maut fiir all die Ferkel  
Si alli verliere böös an Glanz  
Wie „Wetten dass...“ mit em Markus Lanz

Au als Wiibli hesch no Selfies Durscht  
Aber bitte nid wie d Conchita Wurscht  
Bhalt Dini Hoose dobe  
Zumindescht bis am Obe

Fiir e Selfie muesch nid in Käller  
Als Lingge längt au e Pappdäller  
Au dr Morin het e Handy in dr Hand  
Är knipst sich gärn am Stadtrand

Öb Gripen, Quote, Schawinski oder Thiel  
Us em Köcher hole si ihri Pfiel  
Und knipse was duets scho koschte  
S Hirni, es duet nur no roschte

Muesch dis grosse Ego ufboliere  
Due nid di Bildli iberall kolportiere  
Zem delifoniere hesch Di Handy  
Nid zem zeige, dassd bisch e Dändy